

Na Caminda pa

Trono



Maxima sa kico ta sper'e

Dia 30 di april prinses Maxima lo bira reina Maxima.

Ki tipo di reina e lo ta? Con lo ta su influencia y con e lo apoya Willem Alexander? Y, kico lo ta e riesgonan.

Reina Maxima, den bista di un y tur, lo hunga un papel importante. Hunto cu rey Willem Alexander e lo ehecuta diferente bishita di estado y tambe e lo ricibi hefenan di estado. Pero tambe aparicionnan nacional nan lo haci hunto. E monarquia constitucional lo por usa grandemente e entusiasmo y sentido di union di Maxima. Na bispo di e anochi di e cambio di milenio e popularidad di e monarquia a baha. Reina Beatrix no tabata masha stima y nan tabata bisa cu e ta friu. Tocante Willem Alexander como futuro hefe di estado tabatin hopi duda; algo cu tabata wordo expresa den voz halto.

E miembronan di e famia real a haya un boost di popularidad ora cu Maxima Zorreguieta a bira e prometida di Willem Alexander. E atencion di e medianan di comunicacion pa cu e Cas Real a multiplica y sin duda, den e ultimo añanan, Maxima tabata e miembro mas popular di e famia real.

Desde nan compromiso na 2001, Maxima y Willem Alexander ta sali hopi hunto den publico y nan tabata muestra cu nan ta un bon equipo, unda cu humor y un estilo liber ta domina. Pero no solamente na Hulanda sino tambe durante decenas di obligacionnan internacional, cual hopi biaha

e tabata cumpli cune cu hopi exito.

Den cosnan interno reina Maxima lo ta manera un 'trompet bon afina' pa Willem Alexander. Nan a desahoy a un laso fuerte for di un principio di e aventura di nan relacion, cu finalmente a termina den un matrimonio. Segun observadornan e relacion ey a bira cada bes mas fuerte. Dor di a experiencia di serca tur e bishitanan di estado, tanto nacional como internacional, Maxima por a tira un bista den e 'cushina' di reina Beatrix. E sa awor kico nan ta spera di dje.

E posicion di casa di un hefe di estado ta crucial pa e logro di e reinado. Constitucionalmente Maxima no tin ningun papel. Pero hunto cu su casa e lo cumpli cu e educacion di e tres prinsenan.

Prinses Amalia lo ta prinses heredero despues di e inauguracion di rey Willem Alexander. E tres decenianan cu ta sigui e mama lo apoya su yiu mayor riba e caminda pa e proximo inauguracion. E predecesor di Maxima a muestra con importante ta e papel di e otro mitar di e hefe di estado. Prins Claus tabata sinti su mes incomodo cu e libertad limita cu e tabatin. Toch e tabata un apoyo grandi pa reina Beatrix. Den e prome añanan e por a sostene e reino, pero su enfermedad tabata haci esey cada bes mas dificil.

E crisis matrimonial entre prins Bernhard y reina Juliana den añanan cincuenta y e asunto di Lockheed den añanan setenta, den cual e prins tabata involvi, a percura pa nubianan scur cu a causa hopi daño na e reinado di Juliana.

Como reina Maxima mester tin su mesun campo di wegá.

Dor di esey Bernhard y Claus a haya nan cu problema.

Pa Bernhard e tereno tabata mucho grandi y pa Claus e tabata mucho chikito.

Nan ta spera cu, si tin espacio pa esey, Maxima lo hala atencion; algo cu lo pone den spotlight.

Den e añanan cu a pasa el a profila su mes cu 'inclusive finance', e

entrada na servicionan financiero pa tur hende, tambe esnan di mas pover na mundo. Di otro banda reina Maxima mester di Willem Alexander. Ta berdad cu el a haya hopi conocimiento pa loka ta Hulanda y e relacionnan hulandes, pero e no por conta

ciegamente cu su sensibilidad politico.

Maxima ta compronde te den lo mas profundo e sutileza di e weganan politico. E interaccion entre nan dos lo ta hopi importante pero ta solamente Willem Alexander ta finalmente e rey. □

